

春秋屬辭辨例編

春秋屬辭辨例編卷十六目錄

宋鄭交兵

桓十五年公羊說辨

齊魯交兵

職左氏說辨 迫齊師胡氏說辨 震澤胡氏說辨

宋魯交兵

邾魯交兵

取須句左氏說辨 哀八年左事辨何氏胡氏說辨

莒魯交兵

春秋屬辭辨例編卷十六

錢唐張應昌學

○宋鄭交兵

桓十五年公羊說終

東遷諸侯仇好不常朝從夕變隱四年宋殤以子馮在鄭爲衛主兵五年邾鄭伐宋報之是年宋復伐鄭圍長葛而取之十年鄭與齊魯伐宋鄭取郕防二邑歸于魯宋旋偕衛入鄭稱兵交惡至桓二年鄭會于稷以成宋亂立馮以親鄭自是十餘年間兩國無侵伐之文桓十一年雍氏宗恃宋莊公之寵執祭仲納厲公以求賂故厲公之入宋鄭不和魯平宋鄭爲突求援於宋而宋不受魯遂及鄭伐宋明年鄭與紀魯戰宋敗之十四年宋以四國伐鄭報怨及突奔忽入魯復修好於宋連兵以病鄭原宋魯二君之心皆非爲鄭也未以利故欲立厲公以取賂魯以怨故欲助厲公以拒忽二國始則相親終則相怨無非懷讐圖利耳二霸之與中國諸侯稟命盟主故宋鄭皆與盟

會同心修好無有侵伐至文十七年鄭始從晉伐宋宣元年鄭又連
楚侵陳及宋是年宋會陳衛曹伐鄭又獨伐鄭自是以後宋鄭二國
侵伐交好多見於經襄十一年蕭魚之會鄭服晉中國帖然宋亦解
仇於鄭者二十年大抵宋一于晉而鄭多附楚方鄭歸楚則必連楚
侵宋宋晉之與國叛晉則仇宋理之必然也宋既爲鄭所侵則晉必
爲宋釋怨亦倚晉之強間鄭而伐之故終晉之世宋或獨伐鄭或連
晉以伐鄭鄭或獨侵宋或連楚以侵宋其間惟鄭叛楚歸晉則兩無
侵伐矣或曰春秋中國諸侯交附晉楚不一而從違強國交鋒抗衡
獨多宋鄭何也蓋宋鄭壤地相比疆場之事玉帛之使易成仇好況
當時鄭恃楚以強宋恃晉以強晉楚既不相下則肘腋之國稱兵相
陵宜矣

比事

春秋之初宋鄭號中原大國宋紹微子之封而鄭取虢檜之地地既

逼近力又相埒故其勢嘗至於鬪爭吾觀春秋宋鄭之故而知天下不可一日無伯也宋鄭凡四十九交戰其局凡三變其初齊晉楚宋與犬牙相錯者惟宋魯鄭衛而鄭莊善用兵嘗結援於齊繼又結魯宋合衛陳蔡以措之不能當也至宋馮之世始立突繼又賁賂而魯突後復助突以求入交戰尤數是時魯桓衛惠鄭厲宋莊俱負大惡相與逐利棄信結黨崇奸干戈相尋生民塗炭此一大變也齊桓興而兵爭息桓歿而宋襄以爭伯一戰而敗晉文襄起而兵爭又息宋鄭之君共玉帛於壇坫之上間一用兵但帥敝賦從大國之後無兩相對壘者亦足見霸功之有益矣迨晉悼時其事與桓文異晉楚爭鄭鄭患楚之數來惡於宋以激諸侯之兵使楚不敢爭而後固與晉時交戰尤數十年十三戰此宋鄭之事又一變也蕭魚以後至晉平之初海內嬉恬至向戌弭兵宋鄭僕僕於晉楚之廷息兵戎者六十

八年民不苦於戰鬪而苦於供億至春秋之末晉楚俱衰宋景妄意
爭伯伐邾滅曹與鄭以隙地啟邊驟興兵革卒至彼此全軍覆沒此
又一大變也春秋將夷而爲戰國矣統計伯功始於齊桓之北杏訖
於晉昭之平邱每當伯功之息則宋鄭首發難春秋於列國戰爭不
悉書獨於宋鄭兩國自隱桓至定哀取邑取師無不備載蓋以地踞
中原關於天下之故伯功視兩國之向背爲盛衰而兩國又視伯功
之興廢爲休戚聖人思王不得已而思伯其亦有見於此乎

顧棟高
大事表

隱四年夏宋公陳侯蔡人衛人伐鄭

左傳見主兵首書門○按傳殤公立十年十一戰服虔謂殤公

隱四年卽位此卽位之第一戰也

顧棟高
大事表

又 秋翬帥師會宋公陳侯蔡人衛人伐鄭

左秋諸侯復伐鄭宋來乞師公辭之羽父固請而行諸侯之師

敗鄭徒兵取其禾而還○按此服虔謂卽位之再戰也

顧棟高
大事表

隱五年秋邾人鄭人伐宋

左宋人取邾田邾人告于鄭曰請君釋憾于宋敝邑爲道鄭以
王師會之伐宋入其郛以報東門之役○按此服虔謂卽位之
四戰也第三戰謂取邾田係宋邾交兵與鄭無與

顧棟高
大事表

又

冬宋人伐鄭圍長葛

左報入郛之役○此服虔謂卽位之五戰也

顧棟高
大事表

隱六年冬宋人取長葛

宋自去冬圍長葛經年不解志於必取宋殤雖若得志而後日
終受鄭莊報復蹙國喪師

張洽
集注

○按服氏以隱九年會防謀伐

宋爲第六戰然謀伐尙未有其事如何成爲一戰而是年取長

葛與前年之圍自是兩事似應列此爲當

顧棟高
大事表

隱十年夏鞏帥師會齊人鄭人伐宋 公敗宋師于菅取郕取防
左傳宋公不王鄭伯爲王左卿士以王命討之九年秋鄭人以
王命來告伐宋冬公會齊侯于防謀伐宋也十年春公會齊侯
鄭伯于中邱盟于鄆爲師期夏羽父先會齊侯鄭伯伐宋六月
公會齊侯鄭伯于老桃壬戌公敗宋師于菅庚午鄭師入郕辛
未歸于我庚辰鄭師入防辛巳歸于我○魯隱自受輸平入虜
志於昵鄭而讐宋鄭復以不王之罪加於宋則興兵有名而亦
可以招齊會防所以謀也左氏見其名不察其實直曰宋公不
王殊不知鄭莊特假此以誑齊魯耳觀繻葛之役則宋殤之不
王豈至如鄭莊之甚張治集注○鄭莊姦黠爲王卿士際王室之衰
視齊魯宋衛之君皆庸瑣不足有爲奮其詐力有霸諸侯之志
方宋人圍取長葛乃待之以不校豈真不校哉所謂鷙鳥將擊

必斂其翼當不校之時正深爲計之日也以訪田餌魯因魯連齊而後用兵既敗宋師又取宋二邑與魯揜人之有而爲己惠既以報魯又將以終役魯爾其與晉文分曹衛之田以賜宋人使之納賂齊秦而藉以濟城濮之師者同一詭道也而左氏乃稱其以王命討不庭不貪其土得正之體豈不悖哉

黃仲炎通說

左氏傳云以王命討之據經所書不見其爲王討也王臣不行王師不出矯假以逞私忿耳觀其前則有取麥取禾之悖觀其後且爲繻葛之戰矣春秋之不王孰有過於鄭莊者左氏蔽於其迹不究其情當以程子之說正之

日講解義

○按此服氏謂卽

位之七戰也

顧棟高大事表

又

秋宋人衛人入鄭

左傳見主兵首書門○鄭結齊魯以伐宋宋結衛入鄭報復不

已由於王政不綱諸侯放恣也

程端學本義

○按此服氏謂卽位之

八戰也

顧棟高大事表

又

宋人蔡人衛人伐戴鄭伯伐取之

左傳高氏說見主兵首書門○鄭師在郊而宋衛入鄭擣其虛也宋蔡衛移兵伐戴而鄭還師伐取制其億也

洪咨夔春秋說

○宋鄭

兵端起於宋隱四年宋助州吁稱兵於鄭故五年鄭連邾兵伐宋宋繼取鄭長葛故有前日之報伐取郕取防則勝負相當得失相償宋可以已矣今鄭師還未及國而宋以兵入之又連蔡衛以伐其附庸亦已酷矣鄭兵乘之戴闕其前鄭扼其後一舉而取三師則三國之敗非不幸也

趙彞飛經筵

○按此服氏謂卽位

之九戰也

顧棟高大事表

又

傳九月鄭伯入宋

按此服氏謂卽位之十戰也

顧棟高大事表

隱十一年

傳冬十月鄭伯以豹師伐宋大敗宋師宋不告命故不

按此服氏謂卽位之十一戰也

顧棟高大事表

桓二年春公會齊侯陳侯鄭伯于稷以成宋亂

左宋殤公立十年十一戰太宰督因民之不堪命弑殤公召公子馮于鄭而立之以親鄭以郕大鼎賂公齊陳鄭皆有賂

按十年十一戰正義引服虔說惟取邾田非是其餘皆宋鄭交兵事也立莊公以後宋鄭已解仇釋結至莊公立突責賂

復興兵

顧棟高大事表

桓十二年冬及鄭師伐宋丁未戰于宋

左宋執鄭祭仲使納厲公亦執厲公而求賂厲公立宋多責賂于鄭公爲之二盟四會以平鄭宋宋公辭平公遂與鄭伯盟于

武父同伐宋。○宋莊貪得鄭賂而不許魯桓之請，鄭突忘立己之恩，與魯結黨爲伐戰之事。魯桓棄屢會屢盟之好，乃與舊怨之鄭興兵以仇宋。交道之翻覆不常甚矣。吳棫○宋莊本以賂魯，鄭得立，今責賂于鄭，是以己之前日望鄭也。春秋書郕鼎之取，見宋魯鄭之交以賂合書宋之戰，見宋魯鄭之交以賂離。李廉會通。○宋鄭息兵十年，至是以多責賂之故，鄭遂背恩而結魯伐宋，足見宋莊無恥而鄭突無恩也。顧棟高桓十四年冬，宋人以齊人蔡人衛人陳人伐鄭。

左報宋之戰也。焚渠門入及大逵，伐東郊，取牛首。○折之盟，陳蔡在焉。紀之戰，齊衛在焉。皆與宋同惡者也。今皆合爲一黨，宋公執人之卿，易人之君，怨突之背已而力不足敵之，於是以四國之兵伐鄭。宋公之罪重矣。高閔○宋立突以篡忽，突在國而

集注

宋合四國伐鄭怒突之合魯以伐己也其後突入櫟又兩台諸侯以伐鄭惟恐忽終有鄭不若突猶爲我之所立也張自超宗朱辨義

桓十五年冬公會宋公衛侯陳侯于袤伐鄭

左鄭厲公謀殺祭仲不克出奔蔡入居于櫟會于袤謀伐鄭將納厲公弗克而還○或疑宋既賁賂於突而伐鄭不當又納突遂謂伐突救忽然魯桓方與突伐宋亦不當會宋伐突忽奔衛而袤之會衛與焉突奔蔡而曹之會蔡與焉衛不應伐忽以納突蔡亦不應伐突以救忽春秋諸侯離合不常可勝辨哉但據經伐鄭二字則突在櫟忽在鄭爲伐忽明矣呂大圭或問○案公會

諸侯兩伐鄭左氏以爲納厲公是也注公羊者謂善諸侯征突

不知忽方在鄭突尙居櫟安得以伐鄭爲征突

案

○十二年

十四年之交伐宋與突已成仇今復助突伐忽蓋前日之伐突

爲多責賂也故反親而爲仇今日之助突冀後之傾國以償也

故復忘仇而盡力而爲之左右糾合者魯桓一人而已顧棟高大事表

桓十六年夏公會宋公衛侯陳侯蔡侯伐鄭

左春會于曹謀伐鄭也夏伐鄭杜注納厲公○突之未出也宋

欲有所責故嘗伐之突之既出也宋懼無所得又欲納之始鄭

不和魯嘗以鄭伐宋及突既出魯又與宋伐鄭反覆皆私也胡廣

大全引○前日之伐突與今日之助突蔡衛陳皆與何倏合倏

離若是三國惟宋是聽而宋馮惟利是圖獨魯桓始終無異心

蓋桓與鄭厲同惡相濟故甘爲盡力而不辭建魯桓歿而伐鄭

之師不復舉矣顧棟高大事表

按齊桓未伯以前鄭厲宋莊之世交兵凡四顧棟高大事表

莊十五年秋鄭人侵宋 十六年夏宋人齊人衛人伐鄭

左傳見齊楚爭盟門。○鄭突之初入鄭與再入櫟皆倚宋師爲援以突爲宋雍氏出也。自宋莊卒突居櫟久而宋不一顧至是乘宋師在鄭而遂侵之。毛奇齡傳○鄭突以宋得國入櫟之後宋猶

捐前怨會諸侯伐鄭謀納之在櫟久而不爲忽釐子儀所圖者猶諸侯之力也。今既有鄭卽出師掠宋境不道之甚矣。張自超宗朱辨

義

○鄭突處櫟二十年一旦得志遽興修怨之師于宋又背是

年鄭之盟齊欲得宋之心而弭鄭之驕與諸侯伐之使宋自主

兵明年鄭卽聽命于幽自是訖齊桓之世宋鄭兵息。顧棟高大事表

僖六年夏宋從齊伐鄭圍新城

僖二十二年夏宋公衛侯許男滕子伐鄭

左鄭伯如楚宋公伐鄭楚伐宋以救鄭戰于泓宋師敗績。○自莊十六年至此宋鄭未嘗以私怨交一矢新城之役乃從伯令

則齊桓之績偉矣宋襄嗣伯不能抗楚鄭如楚朝宋不量力而遽伐鄭橫挑強楚軍敗身傷此宋自取釁非鄭之罪也

顧棟高大事表

僖二十七年冬鄭從楚圍宋

宋襄敗後諸侯靡然從楚魯曹衛且然鄭不足責矣

顧棟高大事表

自僖十七年齊桓卒至二十八年晉文踐土之盟中間隔十

二年宋鄭交兵凡一

顧棟高大事表

文十七年春鄭從晉伐宋

左傳見晉楚爭盟門

自僖二十七年至此二十有四年宋鄭未嘗交兵此伐亦從

伯令非私怨也則文襄之績俾齊桓矣而晉貪賂立宋文致

鄭穆公以晉爲不足與而從楚由是宋鄭兵爭復起

顧棟高大事表

宣元年秋鄭從楚侵宋

按前日鄭從晉伐宋晉取賂而還則此舉從楚侵宋楚必以討

弑君爲名自是楚直而晉曲楚強而晉弱而宋鄭之兵爭無已

矣顧棟高大事表

○鄭之從楚連兵以伐宋一見於宣元年再見於成

十八年三見於襄十年四見於襄十一年李廉會通襄十年

又 宋從晉會棐林伐鄭

又 冬宋從晉伐鄭晉報北林之役

鄭從楚侵宋宋會趙盾伐之亦可已矣而復伐之故有大棘之

戰俞皋釋義

○以上左傳並見晉楚爭盟門

宣二年春宋華元及鄭公子歸生戰大棘宋師敗績

左傳見書戰○楚未嘗伐鄭鄭穆無憂而從楚晉再伐而不反

固已悖矣今乃爲楚伐宋可勝責乎書敗書獲甚楚鄭也趙鵬飛經

○元年鄭人與楚子侵宋宋既爲棐林之役報之又與晉人

伐鄭一役而兩報之遂起此役高閔集注○自伯統興後宋鄭交兵

俱從晉楚無兩國自合戰者今宋鄭為敵國公然受楚命伐宋

兩軍對壘蹙其主將鄭罪重矣顧棟高大事表○鄭附楚侵宋宋報之

宜矣鄭不自反而率大眾伐之是鄭之罪也宋既兩請晉師報

一侵之恨鄭師之來宜稍自引咎以平鄭怒而遠出大眾敵之

宋之罪也兩軍相遇忿怒以戰則華元歸生之罪也張自超宗朱辨義

又 夏宋從晉侵鄭報大棘之役

趙盾實無意侵鄭特因禦秦救焦之役姑以為名以悅宋耳其

實畏楚乃託為大言以班師自後不復以雪宋恥為事顧棟高大事表

鄭穆宋文之世宋鄭交兵凡六顧棟高大事表

宣十年夏宋從晉伐鄭鄭從楚故

成三年春宋從晉伐鄭討鄭之役

成十年夏宋從晉伐鄭

討其貳楚

成十六年夏鄭公子喜帥師侵宋

鄭叛晉黃侵宋

成十七年夏宋從晉伐鄭

冬宋從晉伐鄭

晉景厲之世宋鄭交兵凡六

顧棟高大事表

成十八年夏鄭從楚伐宋納宋魚石

又冬鄭從楚侵宋

楚子重救彭城

襄元年秋

傳鄭從楚侵宋

襄二年春鄭師伐宋

楚令也

又夏宋從晉侵鄭

襄九年冬宋從晉伐鄭

襄十年夏鄭從楚伐宋

以宋受偃陽故

又秋宋從晉伐鄭

晉三駕之一

襄十一年夏鄭公孫舍之侵宋從子展之謀使疆場之司惡于宋宋向戌侵鄭鄭子展侵宋

又 宋從晉伐鄭晉三駕之二

又 秋鄭從楚伐宋兩犯宋以致晉師

又 宋從晉伐鄭晉三駕之三

自成十八年至此凡十二年宋鄭交兵凡十三蕭魚鄭服晉

而楚不敢爭於是宋鄭之兵爭息顧棟高大事表

定十五年夏鄭罕達帥師伐宋

左敗宋師于老邱○宋公子地奔鄭鄭人為之伐宋欲取地以

處之杜注○鄭納叛而又助叛其罪大矣二國構怨不解自此始

直解御纂○自此有哀七年皇瑗之侵九年雍邱之取其秋宋公

伐鄭十年夏宋人伐鄭十二年宋向巢伐鄭至十三年罕達取

師于囂而後已李廉會通○二國構兵與隱公初年公子馮事正相

類霸統既絕諸侯無所繫屬各競其私而莫能禁也

日講
解義

自襄十一年蕭魚之會至此六十八年晉悼之世至平公初
年宋鄭俱列盟會至向戌弭兵宋鄭俱僕僕晉楚之庭行役
繁而兵爭息矣至此復以隙地啟釁如春秋初年時顧棟高
大事表
哀七年春宋皇瑗帥師侵鄭

報定十五年罕達之師也左氏以爲鄭叛晉故夫洮之會宋亦

叛晉矣何以責鄭

朱朝瑛
畧記

○左云鄭叛晉故也但自定六年晉

執宋行人晉宋之好已絕何緣爲晉討叛哀九年宋又伐鄭邲

鞅且欲救鄭豈宋爲晉伐鄭晉反助鄭耶左氏非也趙鵬飛曰

報罕達之伐也罕達之師已七年矣其時宋鄭皆從齊而鄭尤

與齊厚宋雖仇鄭而不敢報今齊景歿而內亂宋始報之也

御

纂直

○天下無伯宋鄭復以私怨興兵兵連禍結報復無已隱

桓之世於茲復見

顧棟高大事表

又

秋宋人圍曹冬鄭駟宏帥師救曹

傳言救曹侵宋

哀九年春宋皇瑗帥師取鄭師于雍邱

左鄭圍宋雍邱宋皇瑗圍鄭師取鄭師于雍邱○趙氏程氏說

見取師門

又

秋宋公伐鄭

鄭雖不義宋覆其師盡取之惜矣而又君親伐明年偏師再伐

十二年向巢又伐卒至十三年鄭復取宋師然則宋鄭喪師皆

其自取

正克寬纂疏

○取其師又親伐之驕而不戢喪師之道

牛運震傳

哀十年夏宋人伐鄭

既取其師伐而又伐鄭非弱國豈肯相下喪師于岳與雍邱得

夫相當兵驕者敗宋之謂也

卓爾康辨義

哀十二年秋宋向巢帥師伐鄭 十三年春鄭罕達帥師取宋師于岳

左宋鄭之門有隙地焉曰彌作頃邱玉暢岳戈錫子產與宋人爲成曰勿有是及宋平元之族曰蕭奔鄭鄭人爲之城岳戈錫宋向巢伐鄭取錫遂圍岳鄭罕達救岳圍宋師遂取宋師于岳以六邑爲虛○宋鄭之怨雖造端由於罕達然宋自皇瑗取鄭師之後宋又兩伐鄭亦可以釋憾矣而向巢之師復起何邪全師覆沒亦蹈鄭之覆轍佳兵不祥其事好還信哉葉纂朱睦 梓李廉○自定末年鄭爲宋公子地伐宋厥後宋屢伐鄭雍邱之役盡取鄭師亦太酷矣至是向巢帥師圍岳爲平元之族奔鄭鄭爲城岳故也鄭救岳而盡取宋師鄭之報宋抑又甚焉朱軾春 秋欽

哀十五年夏鄭伯伐宋 續經

定哀時伯統已絕宋鄭交兵凡九與隱桓初年對照

顧棟高大事表

○齊魯交兵

戰即左氏說辨

追齊師胡氏說辨

戰案胡氏說

春秋之初齊魯爲敵國齊不弱魯不足以強齊春秋之中齊晉爲敵國魯不恃晉不足以庇魯春秋之末齊吳爲敵國吳不得魯不足以伯吳齊強則魯之衰也晉強則齊之衰也吳強則晉之衰也此三變不特係之魯王室諸侯中國夷狄之盛衰皆於此係焉

陳則通提綱

晉伯既衰齊當伐魯而失之者一魯當伐齊而失之者亦一季氏逐君公孫於齊使齊人鳴鐘鼓以討意如之罪復昭公於國則天下之伯不在晉而在齊奈何信讓而止爲惠不終此齊之失也陳恆禍齊夫子沐浴而朝請討使魯人建旆于齊問簡公之故以魯之衆加齊之半何患不克天下之伯不在諸侯而在魯奈何制於三家而止見義不爲此魯之失也孟子所以言春秋無義戰也

又

孔子言管仲相桓公霸諸侯一匡天下民到于今受其賜稱到于今
則知此言非特子齊桓并予晉文吾嘗觀齊魯之故而歎春秋之天
下不可一日無晉晉伯息而齊魯俱受其敝矣夫霸之局非齊桓管
仲不能創而非晉則不能維持以至於百年齊桓之子孫至春秋之
末凡八九世獨惠公稍安靜而景公有志爭伯觀釁而動故二公之
世齊魯兵爭較少其餘若孝公懿公頃公靈公莊公類皆如獍犬之
狂噬其時魯一有齊難則乞師於晉晉師出而魯得安枕者數十年
迨晉稍有間或新君初立未遑諸侯之事則齊患復起故齊之於魯
如切膚之錮疾所恃者晉晉伯息則魯無所控愬故晉文未興僖公
至以楚伐齊晉伯既去哀公至以吳伐齊夫至以吳楚伐齊天下幾
無復有中夏此夫子所以有被髮左衽之懼也世徒見夫子有譎正
之言謂聖人或伸齊而抑晉豈識春秋之旨哉

顧棟高
大事表

桓十年冬齊侯衛侯鄭伯來戰于郎

此齊魯交兵之始

傳說見主兵首書門。○隱公之始魯與齊鄭黨而桓公懼以篡

弑見討以賂結鄭以昏求齊與二國尤親未嘗相戰伐也至是

齊欲圖紀紀爲魯姻其來戰當以此故左氏之說非也

顧棟高大事表

桓十三年春公會紀侯鄭伯及齊侯宋公衛侯燕人戰齊師宋師衛師燕師敗績

魯與齊戰也自戰郎以來齊不忘紀魯不忘齊二年之間三盟

四會懼齊故也魯結宋以敵齊反因鄭而伐宋齊人因之遂結

宋而連衛燕以伐魯焉燕本與宋魯同盟見桓背盟伐宋故從

宋也魯急而請救於紀鄭待紀鄭皆來而始能決日以戰故先

會而後以己巳戰也戰不地於魯都也今日之戰丁未之戰激

之也已實致寇而戰焉齊怒愈甚非所以存紀也

御纂直解

桓十七年春公會齊侯盟于黃 夏及齊師戰于奚

左傳見內參盟戰書及門○春盟而夏戰齊無信也魯桓自齊

信時為紀有求及襄之立申前請為盟襄不惟不從遽以兵加

魯慢魯甚矣家鉉翁詳說○魯欲平齊紀蓋恃前日父之盟十五謂

齊能屈已與和或能存紀為魯推愛耳豈知齊襄包藏禍心何

有於一紀桓不悟而明年遂及夫人如齊卒蹈其禍顧棟高大事表

桓公之世齊魯交兵凡三專為存紀一案顧棟高大事表

莊九年夏公伐齊納糾齊小白入于齊

魯莊之伐齊似矣惜乎其以納糾也使移此為復讐之師則可

矣春秋書其故以其非讐齊而德齊也程端學本義引趙與權

又 秋及齊師戰于乾時我師敗績

左公喪戎輅傳乘而歸

莊十年春公敗齊師于長勺

觀長勺之勝則魯與齊戰魯豈盡出齊下使莊公移乾時之戰於魯桓遇弑之時移長勺之戰於齊襄未死之日則勝敗俱榮乃不用之復讐而用之以納讐人之子可勝歎哉

金寶記

又夏齊師宋師次于郎公敗宋師于乘邱

齊之忿魯始于子糾之納宋之忿魯始於公之侵而其實則齊桓拔宋以圖伯也

李廉會通

○陳說見齊楚爭盟門

莊公之初齊魯交兵凡四專為納糾一案

顧棟高大事表

莊十九年秋公子結媵陳人之婦于鄭遂及齊侯宋公盟冬齊人宋人陳人伐我西鄙

結在鄭聞齊宋有會遂與二君盟非公意故冬來伐

杜注

○結以

遂事召寇故三國有辭來伐

孫覺經解

○齊桓始伯責魯不共其事

故來伐

程子經說

○自十三年盟柯及齊平之後齊桓倡伯魯無役

不從兵爭息矣惟此年以魯不恭而來伐魯方聽命之不暇而

不敢與交戰至僖二十六年齊孝與魯爲難侵我西鄙復起兵

端其間歷四十八年

顧棟高大事表

○餘見齊楚爭盟門

僖二十六年春齊人侵我西鄙公追齊師至鄒弗及

按傳係討魯與衛爲洮向之盟○厥之戰孝公將入而魯救無

虧孝公之有怨宜也然十九年旣爲齊之盟當已釋然齊乃因

其不備而潛師略之非義師矣

趙鵬飛經筵

○追齊師至鄒大之也

大其張國之威也二百四十二年中魯服役於齊不能伸其氣

惟敗齊長勺最武而追師至鄒亦武若事事皆然何至如楚乞

師子孫見辱於齊屢見止於晉楚乎鄒齊地造齊地方謂之追

若在境內何追之有胡傳以爲譏深入恐非魯爲齊弱此二事

少有生氣若以為貶則是以魯為可弱不可強之國也

陳遷萬紀疑

○齊孝爭立有憾於魯以魯旋會盟于齊無辭復為兵端及宋既敗遂欲爭霸故伐宋則日討其不與盟於齊而再加兵於魯亦以洮之盟為辭

方苞直解

又

夏齊人伐我北鄙衛人伐齊

左齊孝公伐我北鄙衛人伐齊洮之盟故也公使展喜犒師使受命於展禽齊侯還○前日鄆之役齊首兵也首兵侵魯魯追而未報齊也又興師來伐不義甚矣

趙鵬飛經筵

○洮向二盟衛平

莒魯非齊之所當問也乃連興侵伐之師其致衛與魯之伐自取之也

吳欽纂言

○衛忌齊而結魯其伐齊亦乘齊師在魯而搆其

虛耳魯衛構難于齊遂皆屈志從楚亦舍義而務不義矣然魯衛之從楚亦齊驅之也

張自超宗朱辨義

又 冬公以楚師伐齊取穀

左東門襄仲臧文仲如楚乞師臧孫見子玉而道之伐齊宋冬公以楚師伐齊取穀寘桓公子雍于穀易牙奉之以爲魯援楚申公叔侯戍之○魯欲報齊伐安可引豺狼之楚以伐親隣之國

高閼集注

○齊魯之爭自盟柯以來未之有也於是再見無伯也

推其事迹乾時長勺之兵由於納糾西鄙北鄙之怨始於救齊本非有深憾者然桓公卒能屈已於柯盟而孝公不知自反構怨連兵遂使楚得乘間而肆毒矣

李廉會通

○魯倚楚得齊邑公自

以爲得計不知倚楚必事楚事楚者以國與楚也以國與楚而博齊之一邑可謂不知類矣受德於楚結怨於齊楚將責報無已齊亦將報怨無已向非晉文之伯魯其危哉

御纂直解

僖公之世齊魯交兵凡三專爲無虧一案結怨甚至乞楚師

伐齊不念齊桓攘楚之功引盜入室冠履倒置甚矣幸而晉

文勃興諸侯受盟踐土齊魯復和天下可一日無伯哉

顧棟高

事表○齊孝與魯絕好比相侵伐魯伐齊取穀幸而孝公卒未

及報怨晉文既伯昭公與公同盟踐土齊魯俱爲受盟之國

齊不敢背晉盟而報怨故魯聘齊講好而釋怨

二十八年秋公子遂如齊

國歸父來報聘兵爭復息三十三年而公朝齊因晉文既卒

欲改事齊也自後魯事齊益恭至文十五年而齊商人侵我

兵爭復起則專爲子叔姬事其間息兵二十一年

參許翰吳滋顧棟高

文十五年秋齊人侵我西鄙

按傳子叔姬妃齊昭公生舍商人弑舍魯使單伯如齊齊執單

伯又執子叔姬復侵我○商人大逆無道弑舍而執其母又執

單伯今纔釋單伯而又伐我罪可勝誅乎

趙鵬萊經筵

○齊弑我甥

不敢問單伯請子叔姬乃執辱之又侵我侵不敢敵晉盟扈謀齊公不敢與齊雖歸叔姬侵師又繼至齊暴如虎魯弱如鼠不能自強也

洪谷蘧春秋說

又 冬齊侯侵我西鄙遂伐曹入其郛

左齊侯侵我西鄙謂諸侯不能也遂伐曹入其郛討其來朝也

○諸侯會扈謀伐齊晉取賂而還商人知諸國無能爲益無顧忌一歲再侵魯惡魯而及曹暴橫甚矣

高閏集注

○齊魯之爭齊桓

未霸之先有長勺次郎之役晉文未霸之先有至鄆取穀之役

至此而齊三弱魯矣雖以子叔姬無寵之故而實晉霸不振也

李廉會通

○齊歸單伯即有西鄙之侵歸子叔姬即又有西鄙之侵

者所以示己之無畏於魯也伐曹者因諸侯盟扈不敢加兵於

晉宋衛大國而陳鄭許遠伐曹以示無畏於諸侯也

張自超宗朱辨義

文十六年春季孫行父會齊侯于陽穀齊侯弗及盟 夏公子遂

及齊侯盟于鄆邱 十七年夏齊侯伐我西鄙公及齊侯盟于穀

左十六年春及齊平公有疾使季文子會齊侯于陽穀請盟齊

侯不肯六月公使襄仲納賂于齊侯盟于鄆邱十七年夏復伐

我襄仲請盟六月盟于穀○穀之盟齊以公不親盟來討而脅

公出盟也

高閏集注

○齊魯皆千乘之國齊能伐魯魯豈不能扞齊

况直而壯者在魯曲而老者在齊彼以其力我以其義吾何嫌

乎彼而行父襄仲乞盟不得至納賂求盟魯之君臣有愧甚矣

且初伐之而盟其臣再伐之而盟其君齊之無道極矣魯之不

振甚矣

家鉉翁詳說

○魯至此孱弱甚矣商人弑君執子叔姬嚙不

敢討其罪坐受其侮三年之中三受伐而再乞盟請盟不可而

至納賂使其臣盟不可而終至親盟皆由文公內寵敬嬴外任

襄仲置國事於不問所以至此魯之弱文公爲之也黜棟高大事表

文公之世齊魯交兵凡三

成二年春齊侯伐我北鄙

左取龍遂南侵及巢邱○齊頃不義於四鄰諸侯哆然外之獨

魯宣以援立之故不忘惠公之好折節事齊末年始叛齊使歸

父如晉而齊猶未加兵於魯者冀魯猶未絕齊也旣而成公立

臧孫許及晉侯盟赤棘始知魯決意事晉故有此伐趙鵬飛經筵

齊爭魯於晉也赤棘朝盟齊師夕至志在與晉爲敵也家鉉翁詳說

齊自懿公受盟之後魯宣以援立之故曲事齊惠至頃公初

年未絕也至成公改事晉而齊魯兵端復起幸是年晉卽有

鞏之勝齊不至爲患計文十七年至此歷二十二年黜棟高大事表

又夏季孫行父臧孫許叔孫僑如公孫嬰齊會晉卻克衛孫

良夫曹公子首及齊師戰于鞌齊師敗績

左晉卻克將兵救魯衛師陳于鞌齊師敗績晉師從齊師齊賂晉人秋及齊國佐盟于袁婁使齊歸我汶陽之田○胡傳譏季文子不能懲忿以取辱所謂忿者一笑之事本不足辨蓋魯背齊結晉齊將出楚師以伐魯爲日久矣赤棘受盟臧孫急繕守備見元年傳而未幾齊兵壓境取龍侵及巢邱此敵加於已不得不應者也非忿之不懲也王介之四傳質

成公之世齊魯交兵凡二○田既歸于齊齊以女來媵釋怨通好至十一年僑如往聘齊婚遂成張自超宗朱辨義

襄十五年夏齊侯伐我北鄙圍成公救成至遇

左齊侯圍成貳於晉故也於是乎城成郭杜注遇魯地公畏齊不敢至成○鞌戰之後齊兵不至魯畏晉故也於是再見晉悼

衰矣三年之間伐魯者六而有同圍之師李廉會通○齊爭魯於晉

自敗鞏後屈於晉而相忘者三十年此時晉悼不振復起釁端

四年而兵六至齊環不道雖以陵魯而實以抗晉也張自超宗朱辨義

襄十六年春齊侯伐我北鄙

齊既叛晉是年會淇梁高厚逃歸聞公在會將討邾莒故復來伐前年北

鄙之伐為莒伐我邾實附齊故亦伐我南鄙十五年晉會淇梁以

討貳莒邾畏晉往會而齊獨不至晉執二君齊乃益復伐我三

年之間齊師五至魯矣高閭集注○朱說見邾魯交兵門本年條下

又 秋齊侯伐我北鄙圍成

齊叛晉而屢伐魯欲致晉而與之戰志在爭伯也家鉉翁詳說

襄十七年秋齊侯伐我北鄙圍桃齊高厚帥師伐我北鄙圍防

左齊人以其未得志於我故○三年之中君臣加兵于魯者五

詳書之著齊環之惡也張自超宗朱辨義

襄十八年秋齊師伐我北鄙

四年六伐鄙而四圍邑又縱邾莒助虐諸侯陵暴未有若是之

甚者十四年莒人侵我東鄙十七年邾人爲齊伐我南鄙是以動天下之兵幾亡其國呂本

中集解引許幹○晉悼既歿齊思爭伯挾莒邾以病魯以爲魯服則東

方定可以與晉爭衡不知無德禮而爲暴未有能濟者御纂直解

又冬公會晉侯十一國諸侯同圍齊

左傳諸說見齊晉交兵門

襄十九年城西邾城武城

旣城西邾又城武城皆懼而備齊也是必齊尙未釋然於魯也

張自超宗朱辨義

齊屢陵魯至襄二十年盟澶淵始平夏盟秋叔老如齊修好

汪克寬纂疏引王葆

○齊魯自圍成之役五年之間干戈不息齊之伐

魯者五晉衛之伐齊者三齊靈公卒晉士句聞喪不伐振旅

而還齊人德之求成于晉晉爲合十三國之君歃血于澶淵

小大協和彊弱相比天下之民賴以少安

趙鵬飛經生

襄二十四年春仲孫羯帥師侵齊

左晉故也○去年齊伐晉魯使叔孫豹救之無功故孟孝伯復

爲晉報焉蓋懼晉之疑也

高閔集注

○齊六伐魯魯不敢報此而動

侵齊之師者雖牽迫於爲晉之故而亦倚晉爲強也

張自超宗朱辨義

自平陰之役至此歷七年

襄二十五年春齊崔杼帥師伐我北鄙

左報孝伯之師也○同圍之後叔老往聘怨稍平矣至是復伐

我則以仲孫羯之侵故也雍榆之救固已兆怒又從而侵之豈

吾所得已哉皆晉之故此其所以訖不能振也

葉夢得傳

襄之世齊魯交兵凡九○是年崔杼弑莊立景晉會夷儀伐

齊齊人以莊公說由是兵爭復息景公有志爭伯觀釁而動

至定七年與晉爭魯而國夏伐我其間歷四十五年

顧棟高大事表

昭七年春暨齊平

齊自靈莊再世讐魯北鄙無日安靖景公繼故而立改先君之

轍修好四鄰故即位之初嘗來聘今魯內睦於晉南連於楚東

婚於吳齊實懼焉故欲平

趙鵬飛經筵

○魯向背齊晉之間自襄公

堅事晉齊靈七伐魯之後齊魯之好不通齊景即位使慶封來

聘至此十二年魯不往報蓋夙怨尚未釋也今齊間晉之不悅

於魯而來請平魯亦因晉之督過於已而喜與齊平

張自超宗朱辨義

定七年秋齊國夏帥師伐我西鄙

東夏諸侯惟魯事晉故齊伐之

張洽集注引許翰

○昭公失國惟齊是

依不能爲之出偏師討季氏今乃與無名之師加魯失方伯之

道矣

家鉉翁詳說

○自襄二十五年崔杼伐後四十餘年兵不至魯

至是再見晉伯不振也國夏兩伐晉救無功於是及齊平

李廉會通

○圍鄆以後齊魯之兵六見齊書伐魯書侵強弱可見

日講解義

定八年春正月公侵齊

左公侵齊門於陽州杜注報國夏之伐○張說見季氏專魯門

又 二月公侵齊

左公侵齊攻廩邱之郭杜注未得志故

又 夏齊國夏帥師伐我西鄙公會晉師于瓦

左晉士鞅趙鞅荀寅救我公會晉師于瓦杜注救不書齊師已

去○報此春之再侵也

高問集注

○魯倚晉兩侵齊齊懼晉之援欲

結魯之好遂及魯平魯自是背晉從齊沈氏比事○春秋書內伐十

六宣以後七內侵七宣以後六伐我二十一宣以後十七侵我

五宣以後一用兵則侵多而伐少被兵則伐多而侵少蓋魯自

中世衰矣而欲與齊構怨以侵易伐其能久乎呂本中集解引許翰

定公之世齊魯交兵凡四則以齊景爭伯一案

定十年春及齊平夏公會齊侯于夾谷

齊魯相仇始於陽虎至是虎敗孔子用魯講信修睦而與齊平

齊景求霸亦欲親魯以為援遂歡然釋憾日講解義○魯始叛晉

從齊也齊景將伐晉得鄭衛而乃伐魯公再侵齊齊亦再伐魯

齊之所欲得者莫急於魯也盟曲濮次五氏鄭衛從齊益堅魯

亦及齊平而會夾谷晉失諸侯久矣使齊景能修桓公之業豈

惟魯從之將天下諸侯莫不從之惜乎齊景無足望也趙訪集傳

按是年齊服義歸田兵爭息矣至哀八年季康子以伐邾啟
釁致齊來伐取譚闢兵端復起其間歷十有四年顧棟高
大事表

哀八年夏齊人取譚及闢
傳說見書取門

哀十年春公會吳伐齊

左八年齊侯使如吳請師將以伐我乃歸邾子秋及齊平冬齊
人歸譚及闢且辭師于吳吳子曰昔歲寡人聞命今又革之不
知所從將進受命於君九年冬吳子使來儆師伐齊十年二月
公會吳伐齊南鄙師于郕悼公卒吳師還○齊爲邾故取魯邑
又請師於吳旣而魯歸邾子齊歸魯邑乃止吳師吳遂伐齊齊
義而吳不義矣魯忘伐己之怨背歸邑之惠助吳以猾夏書公

會責魯也

御纂
直解

○按魯以虐邾之故致吳齊交伐魯賂齊而

不及吳故齊得地而辭師于吳吳人遷怒移伐魯之師以伐齊
且徵魯會伐夫齊受平而歸譴闡則齊於魯爲有恩矣以辭師
之故而吳遷怒伐齊則齊之受伐爲魯所累矣魯宜感齊之德
而婉以謝吳可也而竟反噬惟強是從此何理邪皆由季康子
之狂悖而公坐受不義之名耳顧棟高大事表○吳以邾故伐我齊以
邾故取我二邑我之受侮于齊與受侮于吳一也怨則宜均怨
之釋則宜均釋之若欲釋一而怨一則宜釋齊而怨吳蓋齊內
而吳外也齊猶歸邑以相好而吳徵百牢以臣屬我乃魯反會
吳以伐齊者是時齊稍弱而吳方強也以強弱爲向背不義甚
矣

矣

張自超宗
朱辨義

哀十一年春齊國書帥師伐我

左齊爲郕故伐我及清魯師及齊師戰于郊師入齊軍右師奔

齊人從之陳瓊陳莊涉泗孟之側後入以爲殿師獲甲首八十
齊人不能師宵謀曰齊人遁冉有用牙于齊師故能入其軍○
會吳伐齊故也不書戰勝負敵也去歲會吳伐齊魯誠有罪然
吳實主之齊畏強陵弱又以見齊之肆暴而失計也直解○
諸說見伐我不書鄙門

又 夏公會吳伐齊戰于艾陵齊師敗績獲齊國書

左爲郊戰故公會吳子伐齊克博至于贏戰于艾陵大敗齊師
獲國書公孫夏問邱明陳書東郭書革車八百乘甲首三千以
獻于公○魯與齊姻戚也吳外夷也姻戚不睦可援外人以伐
之乎湛若水○齊伐魯魯致之也不反其所爲而使吳禍游及
正傳

於中國誰之咎也是雖強家所爲而公與於會何以辭其責御

纂直

○公結怨於齊以致來國書之伐宜自悔過引咎以謝齊

既不能然而又會吳以伐之非禮極矣

張自超宗
朱辨義

哀公之世齊魯交兵凡四則以伐邾一案而交兵亦止於此

顧棟高

大事表

哀十五年

傳及齊平

○宋魯交兵

惠按魯宋皆大國勢相敵而諸侯於是觀禮兵爭最少惟春秋初無霸之前樹黨好勝至霸興而兵息矣信乎觀禮之徵也成公時一侵乃奉伯令其離合皆有關天下之故緝之以補顧氏大事表所未及
隱元年秋及宋人盟于宿

左傳見內特盟門○惠之季年敗宋桓宋出也隱公懼宋故與

宋合書此又見公始與宋合終以干戈相向反覆不信也

高開
集注

隱四年夏公及宋公遇于清

秋翬帥師會宋公等伐鄭

左傳見書遇門大夫帥師門○此以志是時魯尚與宋好也張

趙宗朱
辨義

隱十年夏翬帥師會齊人鄭人伐宋公敗宋師于菅取郕取防

左傳見宋鄭交兵門○盟宿遇清和好非一日忽加兵者始為

宋謀鄭既得鄭利又為鄭謀宋欲得宋利也惟知貪利不復顧

義高閔
集注○魯宋無嫌徒以鄭輸平歸祊為之役會防會中邱從

齊鄭伐宋取邑貪利不仁甚矣張傳四
傳斷○三國會伐魯獨敗宋

又取二邑書之甚魯也魯宋世為婚姻隱之適母生母及妻桓

之生母皆宋女一旦反面為仇喜功而貪利如是乎張自趙宗
未辨義

桓十一年秋柔會宋公陳侯蔡叔盟于折公會宋公于夫鍾

冬公會宋公于闕十二年秋公會宋公燕人盟于穀邱公會

宋公于虛冬公會宋公于龜十有二月及鄭師伐宋戰于宋

傳說見內特會盟門○魯宋舊好自營之師絕宋絕而親齊鄭
今以紀之故欲與宋陳蔡合以抗齊耳未必爲宋責鄭賂而爲
鄭求解於宋也或者旣盟之後爲平宋鄭之舉將示德于鄭以
攜齊鄭之交宋旣不從鄭亦怒宋而合魯以圖宋矣

張自超宗
朱辨義

桓十三年春公會紀鄭及齊宋衛燕戰

桓十五年冬公會宋公衛侯陳侯于袤伐鄭 十六年春公會宋

公蔡侯衛侯于曹 夏公會宋公衛侯陳侯蔡侯伐鄭

自鄭突入國之後卽比魯而讐宋十二年之戰十四年之伐其

怨深矣及其出奔乃能使魯宋悉力伐鄭突亦善結矣

張洽
集注

莊十年春公侵宋

公以僥倖得志於齊遂舉無名之師以掠宋境所以致郎之師

張洽
集注

○魯自合鄭敗宋之後宋未嘗一報我也十餘年來各以

無事而忽以勝齊之師侵之春秋所以惡而書之

張自超宗
朱辨義

又 夏齊師宋師次于郎公敗宋師于乘邱

左傳見內敗師門○李氏說見齊魯交兵門

莊十一年夏公敗宋師于鄆

左傳見內敗師門○兵以侵宋而搆怨以乘邱而深宋師又至
引過請釋可也而再敗之罪益甚矣自此宋之好絕

張自超宗
朱辨義

文十一年秋公子遂如宋

左氏以爲言蕩意諸且賀楚師之不害未必然也魯久與宋絕
好承筐之會晉欲得諸侯之從楚者通宋而合諸侯拒楚故後

有新城之盟也

張自超宗
朱辨義

文十五年春宋司馬華孫來盟

張氏自超說見來盟門

成四年春宋公使華元來聘

魯宋之好自華孫來盟復通宋鮑在位二十二年既無相惡之事而又往會其葬故嗣君新立來修聘禮且通昏姻

張白超宗朱辨義

成五年春仲孫蔑如宋

報宋聘若是之速魯急欲圖宋交也而齊忌之矣

張白超宗朱辨義

成六年春衛良夫帥師侵宋夏公孫嬰齊如晉秋仲孫蔑叔孫僑如帥師侵宋冬季孫行父如晉

魯宋嘗會聘同盟晉命伐之不敢以義諭晉而遽伐其國可乎

御纂直解

○張自超說見書侵門衛侵宋書如門嬰齊行父如晉

成八年春宋公使華元來聘

魯侵宋而宋不報故知魯之屈於晉命也再盟馬陵既歸齊田而華元復聘遂通昏姻故知衛魯之侵宋皆晉聽齊以解魯宋

之交也

張自超宗
朱辨義

又 夏宋公使公孫壽來納幣

華元來聘之後書仲孫蔑如宋蔑如宋之後書侵宋侵宋之後
書盟馬陵馬陵之後書歸齊田歸齊田之後再書華元來聘來
聘之後即書公孫壽納幣若春秋不再書來聘不即書納幣至
明年二月始書伯姬歸宋則亦不見齊之忌魯宋而間于晉既
而歸田相釋魯宋之昏始成矣

張自超宗
朱辨義

又 冬衛人來媵 九年春伯姬歸于宋 夏季孫行父如宋

致女晉人來媵 十年夏齊人來媵

書三國來媵是出事以誌五國通昏姻之好見其歧而復同非

譏媵女非爲賢伯姬而錄也

張自超宗
朱辨義

襄二一年秋叔孫豹如宋

襄十五年春宋公使向戌來聘及向戌盟于劉

昭十一年春叔弓如宋葬宋平公 十二年夏宋公使華定來聘

使卿會葬是魯之加禮于宋也故嗣君逾年卽來聘

張自超宗朱辨義

○魯邾莒交兵總論

春秋魯邾莒之事凡三變魯立國於曲阜其南則邾其東則莒地小而偏其勢不得不爭然邾列在附庸而莒介於蠻夷故春秋之初魯嘗陵邾而畏莒隱桓皆再盟邾而再伐邾邾不敢報而莒則隱與其微者盟于浮來矣莊以叔姬女其大夫矣莒隱桓莊三世魯莒未嘗交兵僖公首年一敗莒師旋卽再盟以弭其隙而邾則僖公之世戰伐無已則以邾近而莒差遠邾弱而莒差強故也至文十二年行父城邾而爭鄆之禍起襄四年魯屬鄆莒滅鄆而爭鄆之禍又起晉悼方霸諸侯屏息聽命魯不敢陵虐弱小而邾莒反恃齊靈而肆橫十

年之間莒四伐我邾再伐我魯不伐邾反爲修平講好蓋邾莒倚齊以軋魯魯之所恃者晉晉遠不若齊之近又是時晉方以楚鄭爲事無暇理邾莒故也至昭元年莒有亂季孫以大盜竊國取鄆不已而取鄆取鄆不已而取鄆而邾則連歲四納其叛人昭公以後莒不復見哀之世無歲不與邾爲難竟侔其君以歸獻於亳社陵蔑弱小之禍至此極矣嗚呼以邾莒之密邇於魯得終春秋之世不亡者以大

國林立環視而莫敢動也然其民之塗炭於戰爭已甚矣

顧棟高大事表

春秋初年魯於邾先盟後戰

隱元年盟蔑七年伐邾

於莒先戰後盟

隱二年入向八年盟

二國俱不下魯干戈相尋自北杏從霸邾既同盟莒亦結好僖元年

敗邾于偃獲孥于鄆則以邾匿姜氏莒匿慶父黨惡故也而自是以

後取須句戰升陘邾讐魯矣伐莒取向莒讐魯矣兩國伐鄆戰于狐

駘則邾莒交讐魯矣莒每助邾撓魯湟梁之會二君俱執邾悼初立

而復不逞宜督揚之再辱也莒既守盟邾亦來朝數年之內式相好也然自是以降魯政逮大夫政在公則其爭在上政在私則其爭在下邾近于費季氏所急而莒魯之怨復起盜竊漆闔季氏受之而邾魯之怨復起既利其土復蓄其賊牟夷庶其界我快黑肱接踵而至魯盡納之季孫乃邾莒之逋逃藪也邾莒何堪哉虢之會莒愬而叔孫豹被執平邱之會莒再愬而季孫意如被執武城之役邾愬而叔孫婼又被執則二國亦好兵怙強者也

馬驢事緯

○邾魯交兵

取須句左氏說辨

哀八年左事辨何氏胡氏說辨

春秋內兵伐國僅二十而書公伐邾者六書大夫伐邾者八止書伐

邾者一邾在魯之宇下陵弱侵小之兵史不絕書如此

李廉會通隱七年

隱桓之世其曲在魯以眾暴寡也襄之初年其曲在邾邾恃齊也其後邾日削而其臣多叛齊亦日衰邾雖自卑以事魯而三家伐邾不

已則咎在魯臣非君之故而魯亦非昔日之魯矣

趙訪屬辭

魯之於邾三罪焉黨強而陵弱不義間大而伐小不仁舍內而圖外不智藐焉一邾介於齊宋魯之間將恃大國之安靖已翦爲仇讐豈惟邾之罪吾讀春秋初年之簡曰公及邾儀父盟于蔑七年公伐邾深歎春秋之盟不足恃也春秋之初宋魯一黨五年邾鄭伐宋故爲宋伐邾以媚之豈其顧盟桓十七年盟趙春盟而秋又伐之左氏於隱七年之伐邾曰爲宋討於桓十七年之伐邾曰宋志然則魯宋役耳邾人兩受魯盟無一足恃自後凡伯主齊盟之外不復受盟於魯者一百六十有五年則黨強陵弱不義之罪隱桓二君實當之北杏之會邾人實來齊伯三十餘年邾魯之境得以少事宋襄代興曹南之盟邾首從之恃宋以憑陵小國執鄆子討須句公乘宋之有楚患兩伐邾邾可伐也魯獨爲無罪邾果以伐邾爲是則僖公宜得崇明

祀保小寡之喪矣今其書法與伐國取邑之罪同則魯利之耳升陘之役僖公自取喪師之罪迨晉文告終之明年公伐邾取訾婁猶未快也又有襄仲之師晉襄告終之明年文又伐邾取須句猶有懼也又有城邾之役未免間大國以陵小國文十四年邾有南鄙之伐我有惠伯之師二國之憾未釋也不五年邾子來朝邾豈忘前日之怨而下魯哉宣公折節事齊而邾亦齊屬也以齊故邾魯釋憾僅僅十年乘齊有惠公之喪伐邾取繹遽使子家如齊謝伐邾之罪則間大陵小不仁之罪僖文宣三君實當之成公以後邾嘗役於齊齊服晉則邾亦服魯五年齊與蟲牢之盟明年邾來聘十七年齊與柯陵之盟明年邾又來朝齊叛晉則邾亦叛魯襄十五年齊伐魯鄙之北則邾攻其南十七年齊伐魯鄙之北則邾又攻其南夫受命於齊而來伐魯邾之罪猶減於齊魯告於晉晉人爲執邾子亦足矣魯何爲而

奪之地取邾田自鄆水亦多矣魯何爲而又伐其國

襄二十仲孫速伐邾

蓋是

時三家專政公若不聞襄公在晉季孫敢受庶其之地

二十昭公在

乾侯季孫又納黑肱之邑

三十襄公以後邾多叛臣

襄二十三年邾

年邾

惟魯受之春秋書之歷見其以惡黨惡之罪邾隱公朝於魯奔

喪於魯奉魯至矣哀元年一卿伐之二年三卿復伐之向取邾田猶

以鄆水爲限今自鄆以東并取之且曰及沂西田取而言及浸淫無

厭之辭也不思公室四分爲日久矣舍內圖外不智之罪襄昭以下

之君實當之嘗論魯之取邑於邾爲多魯卿伐邾於哀爲多至哀公

七年書曰公伐邾嗚呼魯自宣公十有八年公自出伐之支絕矣今

公伐邾不知公之爲季孫歟季孫之爲公歟吾不忍言之也

陳則通提綱

隱元年春公及邾儀父盟于蔑

此年書及邾盟七年書伐邾見信不由中未有不背者

黃仲炎通說

隱七年秋公伐邾

左爲宋討也杜注公距宋而更與鄭平欲以鄭爲援今鄭復與

宋盟故懼而伐邾欲以求宋故曰爲宋討○宋取邾田故邾入

其郕

五年邾人伐宋

魯則與儀父盟蔑矣邾人何罪可聲而爲宋討

非義甚矣

胡傳

○書公伐邾擅興背盟之罪不可掩矣

湛若水正傳

桓八年秋伐邾

桓自弒立恃其強惡以陵小國小國皆畏而從之故紀邾鄆穀

滕杞或朝或會惟邾恃舊好而不顧至是遂伐之

高閌集注

桓十五年夏邾人牟人葛人來朝

桓十七年春公會邾儀父盟于雒

隱公初與邾盟于蔑其後躬自伐邾桓公今與邾盟于雒未數

日卽與宋衛伐邾無信義若此

戴溪講義

又 秋及宋人衛人伐邾

正月與齊盟黃而五月戰焉二月與邾盟趙而八月伐之詩曰

君子屢盟亂是用長豈不然哉

呂本中集解引許翰

○春與齊邾盟既而

皆背之見桓公之瀆信而好亂不仁而佳兵也

張洽集注

僖元年秋公敗邾師于偃

左傳杜注見內兵敗某師門○隱桓之世邾魯有怨背盟在魯

由莊訖閔三十餘年繼好釋怨去年慶父弑閔公哀姜與知之

成季以僖公適邾共仲奔莒乃入立之哀姜孫于邾夫僖公與

姜氏俱適邾者以與邾和睦藉以託庇也邾既受僖公則不宜

復受姜氏故逢僖之怒而有偃之役惟公不請於會而討之乃

既會而敗其師背大國之盟結小國之怨以致終僖之世兵連

禍結

高閔集注顧棟高大事表參

○八月會櫟公與邾盟九月即敗邾師直

書而義自見

胡傳

○偃邾地魯兵至邾敗其出禦之師也

季本私考

僖二十一年冬公伐邾

二十二年春公伐邾取須句

左任宿須句顓臾風姓也司太皞有濟之祀邾人滅須句須句子來奔因成風也成風爲之言於公曰崇明祀保小寡禮也若封須句是崇皞濟而修祀紓禍也二十二年春伐邾取須句反其君焉禮也○鄆魯姻也而邾執鄆子用之故怨邾特邾與宋盟未敢伐今宋爲楚所伐故乘間伐邾

黃震日鈔

○須句邾邑也果

以國滅來奔反國經宜悉書此伐邾者自以邾用鄆子故也鄆

子僖之壻也

劉逢祿左氏春秋考證

○愚按胡安定孫莘老葉石林黃東

發諸說皆駁左氏以須句爲邾邑此劉說所本也詳見書取門

僖二十二年秋及邾人戰于升陘

左邾人以須句故出師公卑邾不設備而禦之戰于升陘我師

敗績邾人獲公胄懸諸魚門○隱桓伐邾邾未嘗敢報今大挫
魯師則以前日所爭者虛禮而今日所爭者土地也觀此則公
之取須句非有崇祀保寡之公心直貪其土地而已矣顧棟高
大事表

僖三十三年夏公伐邾取訾婁 秋公于遂帥師伐邾

左取訾婁以報升陘之役邾人不設備襄仲復伐邾○升陘之

役十年矣今報之然君取其邑臣復伐之報亦甚矣黃震
日鈔○公

懷夙忿以晉伯未敢興報復之師今晉文沒間有事而伐以取

利張洽
集注○齊桓之沒宋楚爭霸魯乘之以伐邾今晉文沒秦晉

交兵魯又乘之而伐邾每乘霸國多事侵陵小國家鉉翁
詳說

僖公親伐邾取邾邑者二大夫伐邾者一蓋邾本魯附庸自

列五等爲諸侯不屈於魯故魯欲服邾邾終不服也趙鵬飛
經筵

文七年春公伐邾三月取須句遂城郛

左伐邾間晉難也取須句宣文公子焉非禮也

是年為晉靈元年方與秦為難

杜注僖公反其君之後邾復滅之今邾文公子叛邾在魯故公使為守須句大夫絕太皞之祀以與鄰國叛臣故曰非禮城郛備邾難也○諸家辨左見書取門

文十四年春邾人伐我南鄙叔彭生帥師伐邾

僖公之世疾於邾也深矣文公復修舊怨伐取之至是公如晉踰年而反邾蓋伺魯之隙而伐我不知公之既至也兵未返而彭生伐之其報怨速哉雖小國不宜犯大國而自取禍然魯不取須句則邾亦未敢輕犯魯也

趙鵬飛經筵

○邾有先君之喪居喪

而伐人與伐人之喪其罪一也

張治集注引余氏

○家氏說見書伐門

宣元年秋邾子來朝

邾在桓十五年一同牟葛來朝庶莊閔僖文之世邾不朝魯矣

近以須句之怨文十四年猶興南鄙之師纔逾五年而來朝

君者齊魯講好而邾人懼也

張自超宗
朱辨義

宣十年秋公孫歸父帥師伐邾取繹

公立邾子首朝何負於魯而伐之又取邑焉暴且貪矣

御纂直解

○宣公之爲此者蓋以晉伯之不振而強齊爲魯援耳觀下書

歸父爲邾故如齊則魯之爲魯可知矣

汪克寬纂疏

成六年夏邾子來朝

公卽位而始朝也

汪克寬纂疏

成十八年秋邾子來朝

左邾宣公卽位而來見也

襄元年秋邾子來朝

公卽位故

季本私考

襄四年

傳

冬邾莒伐鄆臧孫紇救鄆侵邾敗于狐駘

按是年冬公如晉請屬鄆故臧紇救之也魯爲邾敗而明年會
戚魯與邾莒皆與不聞興師報怨者以晉伯方盛不敢梗盟會
而擅征伐也又不請于晉以討邾莒者以方請屬鄆旋以鄆故
而爲邾敗慚而諱之不告敗魯史不載故經亦不書顯棟高
大事表
襄六年冬叔孫豹如邾

左聘且修平○按自入春秋以來魯屢伐邾未嘗請平於邾今
大受挫衄反納聘修好豈非畏晉悼嚴明不敢背盟侵伐又不
敢明言其故請兵伐邾故諱言其敗而更與講和以匿其迹使
若今日之聘爲報元年之朝中間若無狐駘之事者知此則知
經文所以不書之故矣謂夫子削之者妄也○又按是年襄公
甫十歲季孫行父卒仲孫蔑爲政專務睦鄰多通使列國不獨

一邾也蓋前日之構怨行父主之此日之修平蔑主之孟孫賢者以解仇釋怨繼好息民爲事惜其爲政不久甫三年而卽及叔孫豹豹三年而卽及季孫宿至襄十二年遂有入鄆之役矣使獻子常執政何至與邾莒交兵無已哉顧棟高大事表

襄十五年秋邾人伐我南鄙

左邾人伐我南鄙使告于晉晉將爲會以討邾莒晉侯有疾乃止冬晉悼公卒遂不克會。邾於成公之世再朝於魯又朝襄公於卽位之年至今未有怨也忽起南鄙之伐者魯素弱邾而陵之矚齊莒之交惡于魯而亦因以抒其積忿也。張自超宗朱辨義

按自六年莒人滅鄆魯慙屬鄆之言而懼晉之來討不敢請兵討邾莒而反與邾修好晉亦方以楚鄭爲事十年之間十餘盟會魯與邾莒咸在列噤不敢發聲莒於是大肆猖獗四侵東鄙

而邾亦效尤則皆魯之太弱爲之招也

顧棟高
大事表

襄十六年春會溴梁晉人執莒子邾子以歸

左以我故○齊叛晉莒邾黨齊莒邾連年伐我齊命之也莒邾

畏晉來會而齊不至晉不得志於齊而執二國之君齊又以晉

執二君之故怒魯而伐我蓋齊晉爲難而禍遺於魯也

朱載堉
春秋

襄十七年冬邾人伐我南鄙

左爲齊故也杜注齊未得志於魯故邾助之○邾先君爲晉所

執今嗣子叛晉從齊修先君之怨此祝柯之會所以復仇

高閌
集注

○文宣之世魯屢伐邾而邾數朝魯自襄四年後魯未嘗報怨

而邾屢來伐其故何也前此魯與齊合而邾畏齊今邾與齊比

而魯所恃者晉晉遠齊近故雖執邾莒之君而猶未止

顧棟高
大事表

襄十九年春諸侯盟祝柯晉人執邾子取邾田自漵水

左諸侯還自沂上盟于督揚執邾悼公以其伐我故遂次于泗
上疆我田取邾田自漵水歸之于我○邾之病魯信有罪矣魯
以諸侯之力前既執其先君此又執其嗣君取其田甚矣高閏集注
○自春秋以來魯之取於邾多矣僖公一舉而訾婁入魯文公
一舉而須句入魯宣公一舉而繹又入魯前會溴梁命歸侵田
今魯在所損乎在所益乎馬驢左傳辨例○餘見取田門書執門
襄二十二年秋仲孫速帥師伐邾

左邾人驟至以諸侯之事弗能報也秋孟莊子伐邾以報之○

祝柯之會既執邾子又取其田報亦足矣而復伐之已甚矣况

背澶淵之盟乎

張洽集注引許翰

○會澶淵公甫至而仲孫速以兵加

邾襄公屏君也豈知爲此蓋三家擅魯挾晉之援以陵暴小國

爲逐利自豐之計耳

家鉉翁詳說

○齊莒知同時伐魯伯主執莒邾

之君合十二國之師以圍齊所以治三國虐鄰之罪也而治邾

爲甚既執其先君又執其嗣子又割其田亦已不平矣而魯之

於三國則盟莒以釋怨是年春聘齊以通好如齊獨不釋然

于邾何哉蓋齊爲大國雖六伐之怨而不敢報莒小而強卽四

伐之恥而亦不復洗惟邾最弱小故欺陵之耳張自超宗朱辨義○自

四年以後魯凡十六年不伐邾而邾數伐魯至齊平陰敗後邾

失所恃魯乃復橫澶淵甫盟而卽伐之庶其畀我相繼受叛人

之奔又蹴踏如前日矣顧棟高大事表○據傳則是報伐之師而經未

書邾伐我春秋何以不著邾人之暴而但著我之暴且重背盟

棄好之惡邪童品經傳辨疑○愚按童氏之所疑洵然傳當有誤附存其說

襄二十八年春邾子來朝

左時事也○魯取邾田又納其叛邾益弱矣不復能報故修好

來朝朱朝瑛○邾近於魯不能以小事大忽起伐魯之謀以致

君辱地削迫無可如何而仍朝於魯亦不善謀國矣張自超宗

昭十一年春仲孫纁會邾子盟于祿祥

左孟僖子會邾莊公盟于祿祥修好禮也○自襄二十五年同

盟重邱齊晉既睦襄二十八年邾君來朝昭元年魯會悼公之

葬故盟以修好汪克寬○魯既仇莒是以盟邾猶襄二十年盟

莒于向以仇邾也張自超宗

昭十三年同盟平邱邾人莒人公不與盟晉人執季孫意如以歸

魯已睦邾亦不朝夕伐莒邾鄭之故又非公意信邾莒之愬曰

我之不共魯故之以遂辭魯君執意如意在貨財豈伯討乎胡

昭二十三年武城人取邾師晉人執我行人叔孫婼

傳說見書執門

定三年冬仲孫何忌及邾子盟于拔

傳說見內特盟門

定十四年邾子來會公

會公于比蒲

定十五年春邾子來朝 夏邾子來奔喪

以去年來會爲未成禮故復來朝未幾奔魯之喪卑屈甚矣

注

寬集

○昔魯虐邾邾猶愬於晉而來討今晉不主盟故邾懼而

曲事魯而魯臣之欲無厭卒伐取晉其君

疑問 姓舜牧

○定公時季

孫叔孫困於家臣不暇陵弱暴寡而邾滕懷德遂來奔喪會葬

小國可問如此

方苞直解

○邾滕之奔喪會葬始見於春秋之季何

也春秋中葉邾滕視魯未如齊晉之強大也故邾屢與魯鬪爭

魯亦未敢以屬國處之至襄之季昭之世季氏專政屢侵奪邾

莒以自益而虐邾尤甚故生畏諂以求免儼如魯之事齊晉矣

非畏魯也畏季也畏季而魯益弱聖人書之以志世變顧棟高大事表

又 冬城漆

謀伐邾也

張洽集注

○漆卽邾庶其邑襄二十一年以之來奔者今

將伐邾故城之固其所已得者而後可圖其所未得者此三家

之謀也

朱朝瑛畧記

○夏奔喪而冬謀伐之其死先君亦亟矣定公

在位十五年諸大夫不敢伐邾公薨而卽城邾邑則定公猶能

整飭其下不至如昭哀之孱弱也

顧棟高大事表

哀元年冬仲孫何忌帥師伐邾

觀定公之末邾之事魯至矣去歲邾子來奔喪今逾年而遽伐

之三家利邾之土田不復知有禮義也

高閼集注

哀二年春季孫斯叔孫州仇仲孫何忌帥師伐邾取鄆東田及沂

西田叔孫州仇仲孫何忌及邾子盟于句澤

左傳見伐取並書門。邾之事魯恭矣而前年仲孫何忌伐邾
 今又三大夫取其田要之盟又四年而公又親入以其君來此
 邾人所以弗堪致吳之伐我齊取我田也。程端學本義引石介○季孫不
 盟志未厭也明年遂復圖邾。直解○前取邾田自鄆水矣今又
 取鄆東併及沂西以蕞爾之邾三納其叛邑而三取其田幾何
 而不盡也恐邾控于大邦而加兵復要而盟之季為主將不親
 蒞而使二卿往甚矣其橫也。御纂直解○餘見取田伐取並書門

哀三年夏季孫斯叔孫州仇帥師城啟陽

季氏說見書城門。○觀此則知季孫前歲不盟之故矣。顧棟高大事表

又 冬叔孫州仇仲孫何忌帥師圍邾

句繹之盟踰年而渝之魯之棄信甚矣。張洽集注引許翰○來會來朝

來奔喪猶不免伐取鄆沂田受繹盟猶不免圍不至於以邾子

益來不止也諸侯無伯小國困于水火甚矣

李廉會通

哀六年春城邾瑕

瑕邾邑城之見魯之迫邾也是年冬伐邾明年遂入邾

高閌集注

又冬仲孫何忌帥師伐邾

魯必欲伐邾而後已自公即位以來四用兵於邾矣

高閌集注

哀七年秋公伐邾八月入邾以邾子益來

左季康子欲伐邾大夫諫不聽遂入邾處其公宮衆師晝掠邾

衆保于繹以邾子益來獻於亳社邾茅夷鴻請救於吳○伐邾

本三家而公自爲之不得已也三家歸過於上也

汪克寬集疏引薛季宣

○諱不在公是以直筆而不諱

王樵輯傳

○邾竟滅矣使非齊吳之

救邾將遂爲季氏私邑茅夷鴻之功不在申包胥下

顧棟高大事表

哀八年夏歸邾子益于邾

左春吳爲邾故伐魯景伯負載造于萊門吳人盟而還夏齊侯使如吳請師將伐我乃歸邾子○魯以不道肆虐於邾物極必反於是吳攻其國齊取其田不勝困挫乃歸邾子易之所謂不威不懲者也

黃仲炎通說

○左氏言季姬事齊伐我及齊平審實有

此伐與平安得皆不書以經考之先書公伐邾繼書齊人取讎及闡繼書歸邾子益于邾末書歸讎及闡其序甚明蓋邾子齊出旣爲我所執故爲之取讎闡以求歸邾子邾子反國故復以讎闡歸公羊穀梁爲近實皆無與季姬事

葉夢得左傳識

○益齊甥也

齊爲是取我邑復如吳請師將伐我乃歸邾子是有所畏而歸之豈仗義而歸之乎胡傳以爲能去其惡而與之謬矣屬辭比事上書齊取邑而下書歸邾子魯人畏強陵弱之罪見矣

袁仁胡傳

考

○胡氏銓說見比事書法門○書於吳來伐齊取邑之後是

前之虜邾子魯之惡此之歸邾子魯之恥矣何休以為善魯之

能悔過豈真能悔過者哉

張自超宗
朱辨義

哀十年春邾子益來奔

魯虐邾而吳救之乃吳之虐邾更甚於魯故忘魯怨而來奔亦

大可憫矣

未朝瑛
畧記

哀二十七年

傳

越子使后庸來聘且言邾田封于駟上
杜注欲使魯還邾田封竟至駟上也

案邾之國賴吳而得存邾之封竟賴越而復以周公之後而肆

虐於邾反使藉蠻夷之力可哀也哉

顧棟高
大事表

戰國之鄒即春秋之邾也哀七年魯貢八百乘之賦於吳邾

亦六百乘是其賦僅少減於魯耳故構怨不相下竟與春秋

終始至戰國猶有與魯闕之事

闕若璿四書
釋地又續

○莒魯交兵

莒子諡號與其臣名氏不登於春秋之版微之也春秋之初未有書諸侯入人國者而入國自莒始隱二未有書諸侯伐國取邑者而取邑自莒始隱四天王不問方伯不討馴致其強浮來隱六曲池桓十之盟魯甘心焉雖然盟猶愈於爭無傷也莒以慶父之故求賂於魯季友帥師敗之俘之莒人二十八年不敢逞憾於魯者以齊伯興而魯未可動也僖公二十五年衛人始平莒於我自後魯莒得以少事者三十二年宣公不繼前好莒郊有釁不道以文辭書公及齊侯平莒及邾有挾大陵小之意要盟無禮之形平而不得則怒怒而不已至于伐國取邑魯本欲釋邾莒之憾反不能自釋其憾不七年歸父會齊人伐莒怒莒未怠至此邪無他貪功謀利之志有餘大公無私之道不足也成公七年公孫嬰齊如莒棄惡同好以幸東鄙之無事至襄六年莒人滅鄆臧紇救鄆敗諸狐駘莒人遂謂我之不能師也稱兵以

伐我者三年

襄八年牛年

潛師以掠境者一

襄十四年

而季孫於十二年救台

遂入鄆則亦怒蹊田而奪之牛者夫伐國圍邑固春秋小國之所未嘗受命救台不受命而入鄆亦春秋臣子之所不敢是救者之罪甚於伐者之罪矣莒人爲是報入鄆之役干戈相尋直至二十年盟向二國始懲其忿以相宥也魯又不祥背棄盟誓莒人有密州之禍季孫有取鄆之師鄆利於季孫而不利於叔孫也非趙孟之請則見戮於會誰實使之又五年季孫受牟夷之邑叔弓敗蚡泉之師牟夷利於季孫而不利於公也非范宣子之言則見執於晉誰實爲之季孫專利不顧君親何暇顧一莒哉按魯莒之爭不過向鄆二邑隱二年莒入向桓十六年我城向向猶有爭也宣公乘莒郟之怨而取之向於是屬魯文十二年城鄆襄十二年入鄆鄆猶有爭也季孫乘密州之禍而取之鄆於是屬魯取向取鄆矣季孫又伐而取鄆小人之腹

其有屬厭乎平邱之執惜晉人不以為戮而歸之也

陳則通提綱

齊魯皆大國莒介居齊之南魯之東魯有敗莒伐莒取向取鄭之事莒亦有伐我侵我之師若齊則侵之伐之襲之而莒不敢少陵齊焉則知以勢相加以力相關魯之弗敵于齊久矣

程公說分紀莒國篇

隱二年夏莒人入向

穀梁以向為我邑汪氏克寬謂不書伐我則非我邑也愚謂向雖非我邑而莒魯之兵端自此始桓十六年城向宣四年公伐莒取向向實為禍階故列于莒魯兵爭之首

顧棟高大事表

又 冬紀子帛莒子盟于密

左魯故也杜注莒魯有怨紀侯既昏于魯盟莒以和解之○按左氏云魯故以子帛為履綸字附會之說也見闕文門

隱八年秋公及莒人盟于浮來

左成紀好也○魯莒有未平之怨前此紀爲平之而魯莒之好

猶未合今隱公降心以平二國之患而莒之君卒不至家鉉翁詳說

桓十二年夏公會紀侯莒子盟于曲池

桓十六年冬城向

向界莒魯之境上莒魯交爭互以爲己有而其交爭自城向始

故謹志之趙鵬飛經筵

僖元年冬公子友帥師敗莒師于鄆獲莒棼

左慶父弑閔公季友以僖公適邾共仲奔莒乃入立之以賂求

共仲于莒莒人歸之冬莒人來求賂公子友敗諸鄆獲莒子之

弟棼○黨惡責賂罪在莒也汪克寬纂疏○魯莒始一交兵顧棟高大事表

僖二十五年冬公會衛子莒慶盟于洮

左衛人平莒於我杜注莒以鄆之役怨魯故平之○莒慶魯之

堵因衛爲平遂來會盟

汪克寬纂疏

○莒與我舊怨入春秋以來因

紀君娶魯女盟莒于密莊二十七年莒大夫慶娶莊公女叔姬始相和好至閔元年公子慶父奔莒季友賂莒得慶父而莒復以師責賂故僖元年敗諸鄆至是衛文欲修好於魯因之平莒而衛文又死其子成公修成之

毛奇齡傳

僖二十六年春公會莒子衛甯速盟于向

左尋洮之盟也○先盟其大夫而後盟其君公之屈意就莒至矣

顧棟高大事表

○趙說見內參盟門

文十二年冬季孫行父帥師城諸及鄆

莒魯爭鄆始此前此莒魯無爭且未嘗有事於鄆今行父帥師城之以啟爭端魯莒之讐自此始書帥師城罪行父也

張洽集注○

城其國邑宜無待於帥師也而帥師何也歉於義也案莊二十

九年城諸及防則知諸魯地也襄十二年莒人伐我東鄙圍台

季孫宿救台遂入鄆則知鄆莒邑也莒邑而魯城之慮莒必爭

於是將兵以往故曰歉於義也黃仲炎通說○按隱桓莊三世皆屈

體於莒至僖之元年一交兵旋即兩會以弭其隙魯之待莒至

矣而季孫忽以封殖費邑之故造孽于莒遂終魯之世顧棟高大事表

宣四年春公及齊侯平莒及邾莒人不肯公伐莒取向

莒邾相怨而邾乃魯婚姻之國公欲爲邾平莒而挾齊爲重公

之義不足服莒之心莒所以不肯也曰莒人見其不肯者非特

其君也不知自反而取邑於人甚矣高閌集注○向在莒魯之間隱

二年莒入向向遂滅地屬莒至是爲魯取趙鵬飛經筵○孟子曰行

有不獲者皆反求諸己公挾齊以平莒邾而莒不肯是行有不

獲者反求諸己可也怒而伐之且不可况因以爲利乎黃仲炎通說

宣十一年夏公孫歸父會齊人伐莒

趙說見書伐門○前伐邾取繹此會齊伐莒皆歸父為國生患

求多於小國書之所以誅也家鉉翁詳說

襄四年傳邾人莒人伐邾滅紇救邾六年夏莒人滅邾

案是年冬魯屬邾邾莒即於是時伐邾滅紇救邾侵邾敗于狐

貽至六年莒人遂滅邾八年以疆邾田伐魯此又為莒魯交兵

之始顧棟高大事表○書莒滅邾見莒之強觀八年伐我可見至昭四

年書取邾見莒之衰觀繼書牟夷來奔叔弓敗莒可見童品經傳辨疑

襄八年夏莒人伐我東鄙

左以疆邾田○莒滅邾而魯不敢爭伯主不討所以興兵伐魯

疆邾田也張洽集注○莒小國數為魯抗初入春秋即有入向取牟

婁事亦小國中之驕悍者也晉文盟會始列於諸侯晉厲以來

會盟以子爵列杞薛之上蓋伯主以強弱爲先後則莒之強可知
宣公之世藉齊以平莒鄰而莒不服今藉晉以列郕於會而
莒滅之又因以伐魯至四莒之抗伯主而弱魯甚矣蓋晉悼之
政因循苟且方有事於秦楚既牽於莒之從已而又恐生釁於
齊故不治滅郕之罪而魯之連年受伐亦不問也張自超宗
朱辨義

襄十年秋莒人伐我東鄙

左莒人間諸侯之有事也○莒屢同晉悼之盟而乘間加兵于

魯無忌憚甚矣

正克竟
蔡疏

○張說見上

襄十二年春莒人伐我東鄙圍台

莒人間歲伐我公五與莒子會宜其釋然同好矣而見伐不已

則魯弱可知

高閼
集注

○莒再伐魯伯主不討不自斂戢更與伐國

圍邑之師宜其失郕而卒招見執之辱歟

張自超宗
朱辨義

又季孫宿帥師救台遂入鄆

文十二年帥師城鄆卽此也魯不能守復爲莒所取今雖入鄆而未能有之昭元年季孫宿伐莒取鄆則又屬魯矣高開集注○時

公微弱季孫因救台而遂入鄆以自益其邑何休注

襄十四年夏莒人侵我東鄙

報入鄆杜○季孫入鄆非兵首也而莒猶以爲憾使我以報之

至十六年魯訴於晉晉人執而釋之然後少悛故二十年爲向

之盟而魯始無東鄙之患趙鵬飛經筵○張說見上

襄十六年春會吳梁晉人執莒子邾子以歸

左以我故執莒挈此公○朱說見邾魯交兵門

襄二十年春仲孫速會莒人盟于向

左傳杜注趙說見內特盟門○自是十五年不交兵高開集注○及

莒平也莒侵魯爲齊也晉執莒爲魯也今齊將從晉故莒先平

魯御纂直解○莒四伐魯晉雖執之于溴梁未見莒人如何屈服

而魯亦竟釋之不報但爲向之盟以締新好蓋莒雖小而強魯

不能如之何也張自超宗朱辨義

昭元年春取鄆

左晉楚會于號尋宋之盟季武子伐莒取鄆莒人告于會楚告

于晉曰尋盟未退而魯伐莒潰齊盟請戮其使趙孟請諸楚曰

莒魯爭鄆爲日久矣苟無大害於其社稷可無尤也固請諸楚

乃免叔孫○此季氏所爲也蓋救台入鄆之時欲取未得至是

取之家鉉翁詳說

又 秋叔弓帥師疆鄆田

左因莒亂也上文莒去疾自齊入于莒莒展與出奔吳○魯因莒亂而取得之爲易

今欲固其所得則莒必來爭故帥師疆之

汪克實纂疏引王葆

○疆之豈

獨有虞于莒雖鄆民亦不服所以必欲帥師

程端學本義引任公輔

按

文十二年季孫行父帥師城鄆後復爲莒所取成九年楚子重

圍莒入鄆此時鄆蓋屬莒也至此年疆鄆出則與莒人分明疆

界莒訴晉楚大國而俱不問甘心讓魯自知其力不能爭也自

是鄆長爲魯有昭二十五年齊侯取鄆以居公卽此

趙棟高大事表

昭四年秋取鄆

傳說見書取門

昭五年夏莒牟夷以牟婁及防茲來奔

公在晉季孫受之欲陷其君也左傳莒人愬于晉晉人欲止公

范獻子請歸之而以師討焉是時季氏通於范氏范之言非爲

公乃爲季也恐益重季氏之罪爾

顧棟高大事表

○魯二歲之間取鄆

取鄆今又誘莒叛臣攘其二邑莒日削矣然魯亦何彊哉開疆拓地則三家實蒙其利藏亡匿叛則魯君虛被其惡

趙鵬飛經筵

又 秋叔弓帥師敗莒師于蚡泉

左莒人來討不設備叔弓敗諸蚡泉。晉人方以納平夷之故欲止公而叔弓又敗莒師不顧伯討以成君禍。鄭王○魯既受叛來討又敗其師黨叛怙姦冒恥嗜利為惡甚矣

趙鵬飛經筵

昭六年夏季孫宿如晉

左拜莒田也杜注謝前年受平夷邑不見討

昭十年秋季孫意如叔弓仲孫獲帥師伐莒

左平子伐莒取鄆獻俘始用人於亳社杜注取鄆不書公見討於平邱魯諱之。○取邑納叛敗其師又三卿並將伐之季氏專橫甚矣

朱朝瑛畧記

○是時莒益弱矣國內有亂而季氏方與晉大

夫比雖取邑納叛而不討故益無怠憚

顧棟高
大事表

昭十二年夏公如晉至河乃復十三年秋同盟平邱公不與盟

晉人執季孫意如以歸

左取鄭之役莒愬于晉故辭公會平邱邾莒愬于晉晉侯不見

公辭公盟晉人以平子歸○晉於十二年辭公十三年執意如

則討得其罪矣惜乎強家同惡相庇終佚其罰也

顧棟高
大事表

昭二十三年秋莒子庚與來奔

魯弔去疾之喪故以魯爲託而來奔

季本
私考

○按自此後莒魯交

爭之事不見於經傳二十五年昭公孫齊二十六年莒邾從齊

盟鄆陵謀納公蓋明知兵端始於季孫而無惡於公也

顧棟高
大事表